



Վերապատրաստման դասընթացները հազեցած էին տեսական կյուրթով ու գործնական աշխատանքներով, որոնք հիմնականում իրականացվում էին խմբային ակտիվ քննարկումներով: Վերապատրաստման թեմաները գլխավորապես առնչվում էին ակադեմիական գրավոր խոսքի տեսակներին և առանձնահատկություններին, անգլերենով դասավանդելու նորարարական մեթոդաբանությանը, ուսանողակենտրոն ուսուցման ռազմավարությանը, մոդուլների մշակմանը, կրթական վերջնարդյունքների ձևակերպմանը, Բյուժի աստիճանակարգության կիրառմանը և գիտելիքների չափանիշահեն գնահատմանը:

ՆՈՐՈՒԹՅՈՒՆՆԵՐ ԾՐԱԳՐԻ ԳՈՐԾՈՒՆԵՈՒԹՅԱՆ ՄԱՍԻՆ

«Անգլերենը՝ հատուկ նպատակների համար, և ԿՓԵՀ/ թյունինգի մոդուլային ուսուցման համակարգը» խորագրով վերապատրաստում Պորտուի կաթոլիկ համալսարանում հիբրիդային ձևաչափով



Ծրագրի շրջանակներում նախատեսված է անցկացնել մի շարք վերապատրաստումներ գործընկեր բուհերում դասընթացի տրամադրած կյուրթերի հիման վրա:

Հունվարի 16-ից 22-ը Պորտուի կաթոլիկ համալսարանում կայացավ SMARTI ծրագրի շրջանակներում կազմակերպված «Անգլերենը՝ հատուկ նպատակների համար, և ԿՓԵՀ/ թյունինգի մոդուլային ուսուցման համակարգը» խորագրով մեկշաբաթյա վերապատրաստում հիբրիդային ձևաչափով: Հանդիպմանը ողջույնի խոսքով հանդես եկան հյուրընկալող համալսարանի դասախոս, ծրագրի աշխատանքային առաջին և չորրորդ փաթեթների ղեկավար Էդուարդո Կարդոսոն և ծրագրի համակարգող, Դրեզդենի տեխնոլոգիական համալսարանի ներկայացուցիչ Ջերարդ Քալենը:



Վերապատրաստումներին մասնակցում էին ծրագրի գործընկեր համալսարանների և կազմակերպությունների ներկայացուցիչներ Եվրոպայից, Ռուսաստանի Դաշնությունից և Հայաստանից: Վերապատրաստումներն իրականացնում էին Ջերարդ Քալենը և Սվեն Ռիդդելը՝ Դրեզդենի տեխնոլոգիական համալսարանից, Էդուարդո Կարդոսոն, Թիմ Հոգը՝ Պորտուի կաթոլիկ համալսարանից, պրոֆեսորներ Մորին Ռոյսը, Ռայան Ուին-Ուիլիամսը, Քեյսի Բոմոնտը՝ Լիվերպուլի Չոն Մուրսի համալսարանից, և Եվա Ցիմելեն, Մարիա Պլատոնովան, Տատյանա Սմիռնովան՝ Ռիգայի տեխնիկական համալսարանից:

ԱԶԱԿՅՈՒԹՅՈՒՆ ԱՆԳԼԵՐԵՆՈՎ
ԴԱՍԱՎԱՆԴԵԼՈՒ ՆՈՐԱՐԱՐԱԿԱՆ
ՄԵԹՈԴԱԲԱՆՈՒԹՅԱՆԸ, ՄՈՏԵՑՈՒՄՆԵՐԻՆ
ԵՎ ԳՈՐԾԻՔԱԿԱԶՄԻ ԿԻՐԱՍՄԱՆԸ՝
ԿՐԹՈՒԹՅԱՆ ԱՐԴՅՈՒՆԱՎԵՏՈՒԹՅՈՒՆԸ,
ԿԱՅՈՒՆՈՒԹՅՈՒՆԸ ԵՎ
ՄԻՋԱԶԳԱՅՆԱՑՈՒՄԸ ԲԱՐԵԼԱՎԵԼՈՒ
ՆՊԱՏԱԿՈՎ

Ծրագիրը ֆինանսավորել է Եվրոպական հանձնաժողովը: Մյուսն լրատուն արտացոլում է միայն հեղինակ(ներ)ի տեսակետները, և հանձնաժողովը պատասխանատու չէ դրանում տեղ գտած տեղեկության օգտագործման համար:

PAARA; GSU; VSU SMARTI PAARA SMARTI SMARTI





«ԱՆՂՎԵՐԵՆՆԸ ՀԱՏՈՒԿ ՆՊԱՏԱԿՆԵՐԻ ՀԱՄԱՐ, ԵՎ ԿՓԵՀ / ԹՅՈՒՆԻՆԳԻ ՄՈԴՈՒԼԱՅԻՆ ՈՒՍՈՒՑՄԱՆ ՀԱՄԱԿԱՐԳԸ» ԽՈՐԱԳՐՈՎ ՎԵՐԱՊԱՏՐԱՍՏՈՒՄ ՀՀ ՊԿԱ-ՈՒՄ

2022 թ. մարտի 30-ին ՀՀ պետական կառավարման ակադեմիայում մեկնարկեց հունվարի 17-ից 22-ը Պորտուգալիայի կաթոլիկ համալսարանում SMARTI ծրագրի շրջանակում «Անգլերենը՝ հատուկ նպատակների համար, և կրեդիտների փոխանցման եվրոպական համակարգ» խորագրով անցկացված վերապատրաստման հիման վրա մշակված դասընթացաշարը: Այն ներառում էր ինտերակտիվ վեբ դասընթացներ (երեք տեսական և երեք գործնական):

Առաջին երկու դասընթացները կայացան մարտի 30-ին և ապրիլի 1-ին: Դասընթացաշարը կազմակերպել էին ՀՀ ՊԿԱ միջազգային համագործակցության և զարգացման կենտրոնի ղեկավար, ծրագրի հայաստանյան գործընկեր հաստատությունների համակարգող Թերեզա Խեչոյանը և նույն կենտրոնի ղեկավարի տեղակալ, ծրագրի թիմի անդամ Տաթևիկ Մովսիսյանը:

Վերապատրաստման դասընթացների մասնակիցներին ողջունեց ՀՀ ՊԿԱ ռեկտոր Խաչատուր Ղազեյանը: Իր խոսքում նա շեշտեց վարչական և պրոֆեսորադասախոսական կազմերի կարողությունների հզորացմանը միտված նմանատիպ վերապատրաստումների նշանակությունը, ինչպես նաև կարևորեց SMARTI-ի դերը ծրագրի հայաստանյան բուհերի միջազգայնացումը խթանելու գործում՝ ԱԴՄ (Անգլերենը՝ որպես դասավանդման միջոց) կենտրոնների հիմնման միջոցով:

Տեսական դասի ընթացքում ակադեմիական գրագիտության, մասնավորապես՝ ակադեմիական անգլերենով գիտական աշխատանքներ գրելու վերաբերյալ դասախոսությամբ հանդես եկավ ծրագրի թիմի անդամ, անգլերենով դասավանդող դասախոս Խաչատուր Բեգիրջյանը: Դասախոսության շրջանակում քննարկվեցին գրագրությանը, գիտահետազոտական մեթոդաբանությանը, ինչպես նաև հետազոտական աշխատանքների կառուցվածքին առնչվող հարցեր:

Մեծ յարանը (դասախոսներ, վարչական աշխատակիցներ և ուսանողներ) խանդավառված էր անգլերենով որակյալ գեկույցներ ու հետազոտական աշխատանքներ գրելու և ներկայացնելու նոր հմտություններ սովորելու հնարավորությամբ: Նախորդ դասին մասնակիցներին հանձնարարվել էր սահիկաշարեր պատրաստել ակադեմիական անգլերենի կիրառումը կատարելագործելու նպատակով: Ապրիլի 1-ին կայացած գործնական դասի ընթացքում մասնակիցների ներկայացրած սահիկաշարերի թիվը ցուցիչ էր այն բանի, որ յարանը մեծապես հետաքրքրված էր ակադեմիական անգլերենի կատարելագործման հնարավորությամբ:

Մանրամասները՝ [հղմամբ](#):



«ԱՆՎԵՐՆԵՐ ՀԱՏՈՒԿ ՆՊԱՏԱԿՆԵՐԻ ՀԱՄԱՐ, ԵՎ ԿՓԵՀ / ԹՅՈՒՆԻՆԳԻ

ՄՈԴՈՒԼԱՅԻՆ ՈՒՄՈՒՑՄԱՆ ՀԱՄԱԿԱՐԳԸ» ԽՈՐԱԳՐՈՎ ՎԵՐԱՊԱՏՐԱՍՏՈՒՄ ՎՊՀ-ՈՒՄ



ոչ այնքան բարձր մակարդակ ունեցող մասնակիցների համար: Դասընթացի մասնակիցները, անկասկած, հարստացրին արդյունավետ սահիկաշարեր պատրաստելու, տարբեր զծապատկերներ ներկայացնելու և դրանք մեկնաբանելու իրենց գիտելիքներն ու հմտությունները, բացահայտեցին հիմնական տարբերությունները պաշտոնական և ոչ պաշտոնական գրագրության, մասնավորապես՝ ուղեկցող նամակների տեսակների միջև:

Մարտի 28-ից ապրիլի 9-ը Վանաձորի պետական համալսարանում մեկնարկեց Էրազմուս+ SMARTI ծրագրի շրջանակներում «Անգլերենը՝ հատուկ նպատակների համար (ԱՀՆ), և ԿՓԵՀ/ թյունինգի մոդուլային ուսուցման համակարգը» խորագրով ներբուհական վերապատրաստման դասընթացաշարը՝ համահունչ նախատեսված վերջնարդյունքներին: Երեք ժամ տևողությամբ դեմ առ դեմ նիստերը նվիրված ԱՀՆ և ԱԴՄ ծրագրերի մեթոդաբանությանը և թյունինգի մեթոդաբանության առաջնային մոտեցումներին, թյունինգ նախագծին, ԿՓԵՀ-ի հիմնական առանձնահատկություններին, Բլումի վերանայված աստիճանակարգմանը, ինչպես նաև ակադեմիական գրագիտության առանձնահատկություններին, գլխավորապես հիմնված էին Պորտուգալիայի կաթոլիկ համալսարանում 2022 թ. հունվարի 16-22-ն անցկացված մոդուլային վերապատրաստման ընթացքում տրամադրված

նյութերի վրա: Դասընթացները վարեցին ծրագրի տեղական համակարգող, օտար լեզուների և գրականության ամբիոնի դոցենտ Լուսիկ Վարդանյանը և ծրագրի աշխատակից, մաթեմատիկայի և ինֆորմատիկայի ամբիոնի ասիստենտ Նունե Խուբարյանը:

Ապրիլի 3-9-ին կազմակերպված եռօրյա վերապատրաստման դասընթացի հիմնական թեմաները վերաբերում էին թյունինգի մեթոդաբանության առաջնային մոտեցումներին, թյունինգ նախագրծին, ECTS-ի հիմնական առանձնահատկություններին, ինչպես նաև Բլումի վերանայված աստիճանակարգմանը: Մեմբերների ընթացքում մասնակիցների ակտիվ ներգրավվածությունը քննարկումներում աշխուժացրեց «ակադեմիական մթնոլորտը» և զգալիորեն օգնեց հաղթահարել լեզվական խոչընդոտները, որոնք սկզբում բավականին անհաղթահարելի էին թվում հատկապես անգլերենի



Դասընթացը հիանալի հնարավորություն էր նաև կիսվելու այնպիսի գիտելիքներով և պատկերացումներով, որոնք առնչվում են 21-րդ դարի կրթական համակարգի հիմնական առաջնահերթություններին, հատկապես այն միջոցներին, որոնք հնարավոր են դարձնում ցածր կարգի մտածողության հմտություններից (LOTS) անցումը բարձր կարգի մտածողության հմտություններին (HOTS):

Կարելի է միանշանակ փաստել, որ դասընթացից ակնկալվող արդյունքն ստացվեց թիմային բարձր ոգու և փոխգիջման շնորհիվ: Հենց այս ոգին է, որ դասընթացի ողջ գործընթացը սահուն և հաճելի դարձրեց բոլոր մասնակիցների համար:





**«ԱՆՂՆԵՐԵՆԸ՝ ՀԱՏՈՒԿ
ՆՊԱՏԱԿՆԵՐԻ ՀԱՄԱՐ, ԵՎ
ԿՓԵՀ / ԹՅՈՒՆԻՆՊԻ
ՄՈԴՈՒԼԱՅԻՆ ՈՒՍՈՒՑՄԱՆ
ՀԱՄԱԿԱՐԳԸ» ԽՈՐԱԳՐՈՎ
ՎԵՐԱՊԱՏՐԱՍՏՈՒՄ
ՀԱԱՀ-ՈՒՄ**

Մարտի 28-ին ՀԱԱՀ-ում մեկնարկեց ներքուհական դասընթացների շարք՝ հիմնված Պորտու քաղաքի Պորտուգալիայի կաթոլիկ համալսարանում հունվարի 17-21-ը Դրեգոլենի տեխնիկական համալսարանի, Ռիզայի տեխնիկական համալսարանի և Լիվերպուլի Ջոն Մուրսի անվան համալսարանի պրոֆեսորադասախոսական անձնակազմի իրականացրած դասընթացների վրա:

ՀԱԱՀ-ում դասընթացները վարեց SMARTI ծրագրի հետազոտող, դասախոս Արա Ամիրյանը: Յուրաքանչյուր դասընթաց տևեց երեք ժամ, որին մասնակցում էին համալսարանի ներքին շահակիցները: Հանդիպումներն ավարտվեցին ապրիլի 8-ին:

Ինչպես գործընկեր մնացյալ բոլոր համալսարաններում, ՀԱԱՀ-ում ևս քննարկումներն իրականացվում էին «Անգլերենը՝ հատուկ նպատակների համար, և կրեդիտների կուտակման ու փոխանցման եվրոպական համակարգ/ թյունինգի մոդուլային ուսուցման համակարգ» թեմայով: Դասընթացների մասնակիցները հնարավորություն ստացան հմտանալու սահիկաշարեր պատրաստելու, մոտիվացիոն և ուղեկցող նամակներ գրելու առումով, ինչպես նաև հարստացրին իրենց գիտելիքները ԿՓԵՀ-ի, ուսումնական պլանի նախագծման և օտար լեզուների իմացության մակարդակների մասին:

Դասընթացի բոլոր մասնակիցները ստացան պրն. Ամիրյանի կողմից փոփոխված ներկայացումները:

Մանրամասները՝ [հղմամբ](#):



«ԱՆՓԼԵՐԵՆԸ՝ ՀԱՏՈՒԿ ՆՊԱՏԱԿՆԵՐԻ ՀԱՄԱՐ, ԵՎ ԿՓԵՀ / ԹՅՈՒՆԻՆՔԻ ՄՈԴՈՒԼԱՅԻՆ ՈՒՍՈՒՅՄԱՆ ՀԱՄԱԿԱՐԳԸ» ԽՈՐԱԳՐՈՎ ՎԵՐԱՊԱՏՐԱՍՏՈՒՄ ԾՊՀ-ՈՒՄ



աշխատանքային խմբի անդամ, ԾՊՀ ուսումնամեթոդական գործընթացի կառավարման կենտրոնի տնօրեն, պրոռեկտորի ՊՆ Նազելի Ավետիսյանը:

Մարտի 24-ից ապրիլի 25-ը ԾՊՀ-ում անցկացվեցին ներքուհական վերապատրաստումներ, որոնց մասնակցեցին բուհի 35 աշխատակիցներ:

«ՈՒԹՀՎ-ն՝ որպես կազմակերպության և անձի ինքնավերլուծության և ինքնաձևավորման միջոց» թեմայով վերապատրաստումն անցկացրեց Հովիկ Մելքոնյանը:



Ներքուհական սեմինարները վարեցին Պորտուգալիայի կաթոլիկ համալսարանում վերապատրաստված ԾՊՀ մասնագետները և ծրագրի ԾՊՀ համակարգող Հովիկ Մելքոնյանը:



Ապրիլի 28-ին ԾՊՀ-ում ամփոփվեց ներքուհական վերապատրաստումների շարքը, մասնակիցներին շնորհվեցին վկայականներ:


Մարտի 24-25-ին «Անզերենը՝ հատուկ նպատակների համար, և կրեդիտների կուտակման ու փոխանցման եվրոպական համակարգ/ թյունինգի մոդուլային ուսուցման համակարգ» թեմայով դասընթացաշարը վարեց ԾՊՀ-ի անզերեն լեզվի և գրականության ամբիոնի դասախոս Հասմիկ Մատիկյանը:



Ապրիլի 7-8-ը ԾՊՀ-ում տեղի ունեցավ վերապատրաստումների 2-րդ փուլը:

Դասընթացաշարի վերջին հանդիպումը, որը միտված էր կրթական ծրագրերի և առանձին դասընթացների/մոդուլների վերջնարդյունքների սահմանմանը և ԿՓԵՀ-ի առանձնահատկություններին, ԾՊՀ-ում անցկացվեց ապրիլի 13-14-ին: Այն վարեց SMARTI ծրագրի





«ԱՆԳԼԵՐԵՆԸ՝ ՀԱՏՈՒԿ ԵՊԱՏԱԿՆԵՐԻ ՀԱՄԱՐ, ԵՎ ԿՓԵՀ / ԹՅՈՒՆԻՆՉԻ ՄՈԴՈՒԼԱՅԻՆ ՈՒՍՈՒՑՄԱՆ ՀԱՄԱԿԱՐԳԸ» ԽՈՐԱԳՐՈՎ ՎԵՐԱՊԱՏՐԱՍՏՈՒՄ ԳՊՀ-ՈՒՄ

Ս. թ. մարտի 29-ից ապրիլի 14-ը ԳՊՀ-ում անցկացվեց «Անգլերենը՝ հատուկ նպատակների համար, և կրեդիտների կուտակման ու փոխանցման եվրոպական համակարգ/ թյունինչի մոդուլային ուսուցման համակարգ» խորագրով ներքուհական վերապատրաստումների դասընթացը՝ նախատեսված ԳՊՀ-ի ինչպես պրոֆեսորադասախոսական ու վարչական աշխատակազմերի ներկայացուցիչների, այնպես էլ ուսանողների համար:

Դասընթացը վարում էին ծրագրի շրջանակում Պորտույի կաթոլիկ համալսարանում վերապատրաստված ԳՊՀ դասախոսներ Նաիրա Սաֆարյանը, Նաիրա Մեծույանը, Լիլիթ Աթաբեկյանը, ինչպես նաև Սոնա Ալավերդյանը:

Դասընթացներն ընդգրկում էին թեմաների լայն շրջանակ, ինչպիսիք են «Հաջող սահիկաչարի պատրաստում և ներկայացում», «Ուղեկցող և մոտիվացիոն նամակ», «Վիճակագրական հաշվետվություն և նպատակահարմար լեզու՝ գծապատկերների համար», «ԿՓԵՀ/ թյունինչի շրջանակի ներդրում և կիրառում», «ԿՓԵՀ և Եվրոպական բարձրագույն կրթության տարածք», «ԿՓԵՀ և շարունակական կրթություն» «ԿՓԵՀ՝ ուսումնական ծրագրի մշակման, իրականացման և մշտադիտարկման համար», «Ուսումնառության արդյունքները, ուսուցման և ուսուցումնառության նորարարական մեթոդաբանություն և գնահատում», «ԿՓԵՀ և որակի ապահովում» և «ԱԴՄ ուսանողակենտրոն, արդյունավետ ու հաջողակ ծրագրի ստեղծում»:

Յուրաքանչյուր տեսական դասընթացին հետևում էր գործնական պարապմունքը՝ հիմնված գիտելիքների կիրառման և դրանց ներկայացման համար նախատեսված առաջադրանքների վրա, ապա ծավալվում էին քննարկումներ:

Հարկ է նշել, որ աշխատանքային լեզուն անգլերենն էր, որը մարտահրավերային էր վերապատրաստվողների համար, քանի որ դասընթացին մասնակցության նախապայմաններից մեկը անգլերենի A1 մակարդակի իմացությունն էր:

Դասընթացի վերջին օրը վերապատրաստումը հաջողությամբ անցած մասնակիցներին տրվեցին հավաստագրեր՝ հաստատված ԳՊՀ-ի և SMARTI ծրագրի կողմից: ԳՊՀ ռեկտորի պարտականությունները կատարող Թ. Մարությանը շնորհավորեց դասընթացի մասնակիցներին հաջող արդյունքների համար և հույս հայտնեց, որ ձեռք բերված փորձը լավագույնս կկիրառվի կրթական գործընթացներում:



Ծ ՐԱԳՐԻ ՂԵԿԱՎԱՐ ԽՄԲԻ

ՀԱՆԴԻՊՈՒՄԸ ԼԻՎԵՐՊՈՒԼԻ ՋՈՆ ՄՈՒՐՍԻ ԱՆՎԱՆ ՀԱՄԱԼՍԱՐԱՆՈՒՄ



Թ. Խեչոյանը ներկայացրեց SMARTI կոնսորցիումի հայաստանյան գործընկեր հաստատությունների կատարած աշխատանքները, որը բարձր գնահատեցին ներկաները:

Ծրագրի հաջորդ գործողությունը՝ ուսումնական մոդուլների պատրաստման գծով դասընթացը, տեղի կունենա Լիվերպուլի Ջոն Մուրսի անվան համալսարանում սեպտեմբերի առաջին երկու շաբաթների ընթացքում, իսկ ծրագրի իրագրելի մասնակցային միջոցառումները՝ հայաստանյան գործընկեր հաստատություններում՝ հոկտեմբերին:

Մանրամասները՝ [հղմամբ](#):

2022 թ. ապրիլի 19-21-ը Լիվերպուլի Ջոն Մուրսի անվան համալսարանում տեղի ունեցավ SMARTI ծրագրի ղեկավար խմբի հանդիպումը, որին մասնակցում էին ՀՀ պետական կառավարման ակադեմիայի ռեկտոր Խ. Ղազեյանը և միջազգային

համագործակցության և զարգացման կենտրոնի ղեկավար Թ. Խեչոյանը:

Քննարկվեցին ծրագրի շրջանակում ցայսօր կատարված աշխատանքները, առաջ եկած խնդիրները և անելիքները:



Ծ ՐԱԳՐԻ ՂԵԿԱՎԱՐ ԽՄԲԻ ՀԻՔԻՐԻԴԱՅԻՆ ԱՄԵՆԱՄՅԱ ՀԱՆԴԻՊՈՒՄ ՀԱՄԱԿԱՐԳՈՂԻ ԵՎ ՀԱՅԱՍՏԱՆՅԱՆ ՀԱՍՏԱՏՈՒԹՅՈՒՆՆԵՐԻ ՆԵՐԿԱՅԱԳՈՒՑԻՉՆԵՐԻ ՄԱՍՆԱԿԻԳՆՈՒԹՅԱՄԲ, ԵՎ «ԱՆԳԼԵՐԵՆԸ՝ ՈՐՊԵՍ ԴԱՍԱՎԱՆԴՄԱՆ ՄԻՋՈՑ» ԽՈՐԱԳՐՈՎ ՍԵՄԻՆԱՐ

Ծրագրի շրջանակում մինչ այժմ իրականացված աշխատանքները վերլուծելու, հայաստանյան բուհերի հանդիպումների արդյունքներն ամփոփելու, առկա մարտահրավերներն ու դրանց հաղթահարման ճանապարհային քարտեզը հստակեցնելու և տեխնիկական մի շարք հարցեր քննարկելու նպատակով սեպտեմբերի 27-30-ը տեղի ունեցավ ՀՀ ՊԿԱ և ծրագրի մասնակից հայաստանյան մյուս հաստատությունների ներկայացուցիչների հանդիպումը, որը կազմակերպված էր հիբրիդային եղանակով: Այդ կապակցությամբ ՀՀ ՊԿԱ-ն հյուրընկալել էր Դեբեդենի տեխնոլոգիական համալսարանի ներկայացուցիչ, SMARTI ծրագրի ղեկավար Ջերարդ Քայենին և նույն համալսարանի դասախոս Կատյա Ուլմանին: Սեպտեմբերի 28-ին Ջերարդ Քայենը հանդես եկավ դասախոսությամբ: Նույն օրը առցանց դասախոսություն կարդացին նաև նույն համալսարանի դասախոսներ Անդրեա Ստուբենուչը և Սվեն Ռիդելը:

Հանդիպումը մեկնարկեց ՀՀ ՊԿԱ ռեկտոր Խ. Ղազեյանի բացման խոսքով: Որպես տեղական համակարգող բուհի ռեկտոր՝ նա ողջունեց մասնակիցներին և արգասաբեր աշխատանք մաղթեց:

Ետորյա հանդիպման առաջին օրը ծրագրի հայաստանյան ներկայացուցիչները ներկայացրին ծրագրի շրջանակում մինչ օրս կատարված աշխատանքները: Հաջորդ օրը՝ սեպտեմբերի 28-ին, տեղի ունեցավ «Անգլերենը՝ որպես դասավանդման միջոց» խորագրով սեմինար:



ՀՈՒՎԱԾ ՄԻՋԱԶԳԱՅԻՆ ԳՐԱԽՈՍՎՈՂ ԱՄՍԱԳՐՈՒՄ

Ծրագրի մասին տեղեկության տարածման և դրա վերջնարդյունքների գործնական կիրառման համար արդյունավետ էր ԳՊՀ-ից Ն. Սաֆարյանի, ՎՊՀ-ից Լ. Վարդանյանի և ՀՀ ՊԿԱ-ից Տ. Մովսիսյանի համագործակցությունը, ինչի շնորհիվ համահեղինակությամբ զրված հոդված է տպագրության ներկայացվել ՄԹ-ի «Թեյոր ընդ Ֆրենսիս» հրատարակչության «Բարձրագույն կրթության որակ» (Quality in Higher Education (CQHE), Taylor & Francis) ամսագրին: Հոդվածը գրախոսվել է և հաստատվել տպագրության 2023 թ. հունվարի հատուկ թողարկման մեջ: Հոդվածի վերնագիրն է «Հայաստանի բարձրագույն ուսումնական հաստատություններում անգլերենով դասավանդման որոշ հարցեր՝ հիմնված էրազմուս+ SMARTI ծրագրի ուսումնասիրությունների վրա» (On some issues about English medium instruction in Armenian higher education institutions: based on the desk and field study of the Erasmus+ SMARTI Project):

ԱՂՄ ԿԵՆՏՐՈՆՆԵՐԻ ՍՏԵՂԾՄԱՆ ՄԱՍԻՆ

ՎՊՀ-ում ԱՂՄ կենտրոնի պաշտոնական բացումը

Էրազմուս+ SMARTI ծրագրի կարևորագույն կետերից մեկը ԱՂՄ կենտրոնների ստեղծումն է գործընկեր բուհերում, որոնք ամուր հիմք կձևառնեն ԱՂՄ գործունեության մեթոդների, տեխնիկայի և ռազմավարության արդյունավետ իրականացման, կազմակերպման և բովանդակավորման համար:

ՎՊՀ ԱՂՄ կենտրոնը գործարկվեց 2022 թ. սեպտեմբերի 29-ին: Բացման արարողությանը ողջունի խոսքով հանդես եկան ՎՊՀ ռեկտոր Ռուստամ Սահակյանը, SMARTI ծրագրի ղեկավար Ջերարդ Քայլենը, ծրագրի ՎՊՀ համակարգող Լ. Վարդանյանը, հումանիտար գիտությունների ֆակուլտետի ղեկան Մարիա Բրուտյանը և Էրազմուս+ ազգային գրասենյակի ներկայացուցիչ Վարդ Դուկասյանը: Միջոցառմանը ներկա էին Դրեզդենի տեխնիկական համալսարանի պրոֆեսոր Կատյա Ուլմանը, ՎՊՀ վարչական և ակադեմիական անձնակազմը, ինչպես նաև բակալավրի և մագիստրատուրայի ուսանողներ:

ԱՂՄ կենտրոնը համարված է տեխնիկական այնպիսի միջոցներով, որոնք նպաստում են միջոցառումների սահուն իրականացմանը, բարձրագույն կրթության չափանիշների բարձրացմանը և «Ծրագրային ճարտարագիտություն» մագիստրոսական և «Անգլերեն լեզու և գրականություն» բակալավրիատի ծրագրերի միջազգայնացմանը: Այդ կենտրոնի նպատակն է կազմակերպել վերապատրաստման դասընթացներ և կանոնավոր խորհրդատվություններ մասնագիտական առարկաներ դասավանդող դասախոսների համար, որոնցից ակնկալվում է ակադեմիական առարկաների դասավանդումը անգլերենով՝ շեշտը դնելով ուսանողակենտրոն ուսուցման մեթոդաբանության և հետազոտության, ինչպես նաև ուսուցման նորարարական մոտեցումների վրա: ԱՂՄ կենտրոնը նաև նպատակ ունի խթանելու ուսանողների, վարչական և ակադեմիական անձնակազմի՝ անգլերեն լեզվի իմացության մակարդակը՝ դրանով իսկ նպաստելով ԱՂՄ դասընթացների և մոդուլների սահուն իրականացմանը:



ԾՐԱԳՐԻ ԳՈՐԾԸՆԿԵՐՆԵՐԸ



©2016 Ilurer



Հայաստանի ազգային ագրարային համալսարանը հանրապետության խոշոր բուհերից մեկն է և ագրարային ոլորտի բարձրագույն ուսումնական միակ հաստատությունը: Որպես Հայկական գյուղատնտեսական ակադեմիա՝ կազմավորվել է 1994 թ. Հայկական գյուղատնտեսական և Երևանի անասնաբուծական-անասնաբուծական ինստիտուտների միավորման արդյունքում, որոնք հիմնադրման օրվանից (1930 թ.) բացառիկ դեր են խաղացել ինչպես հանրապետության ագրարային ոլորտի զարգացման, այնպես էլ նախկին Խորհրդային Միության հանրապետությունների համար որակյալ մասնագետների պատրաստման ու գիտական բազմաբնույթ հետազոտությունների իրականացման գործում:

Մանրամասները՝ [հղմամբ](#):



Շիրակի պետական համալսարանը Շիրակի մարզի ուսումնագիտական և մարզամշակութային ամենախոշոր կենտրոնն է: Հայաստանի հյուսիսի ամենամեծ համալսարանը հիմնադրվել է 1934 թ.՝ որպես Լենինականի մանկավարժական ինստիտուտ: 2016 թ. Գյումրու Մ. Նալբանդյանի անվան պետական մանկավարժական ինստիտուտը վերակազմավորվել և դարձել է **Շիրակի Մ. Նալբանդյանի անվան պետական համալսարան**: Բուհը 2016 և 2022 թթ. անցել է ինստիտուցիոնալ հավատարմագրում և ստացել համապատասխան վկայական:


Այսօր Շիրակի Մ. Նալբանդյանի անվան պետական համալսարանն ունի **3 ֆակուլտետ**, մասնագիտական 11 ամբիոն: Մանրամասները՝ [հղմամբ](#):



©2014 Շիրակի մարզպետարան



@2015 Travelita



ԱՆՆԱ ՄԱՐՏԻԿՅԱՆ

- Հայկական AIDA խմբի անդամ
- ՇՊՀ արտաքին համագործակցության և հանրային կապերի կենտրոնի մասնագետ
- SMARTI ծրագրի հանրայնացման մասնագետ



ԳԱՅԱՆԵ ԲԱՆԱՐՅԱՆ

- Հայկական AIDA խմբի անդամ
- SMARTI ծրագրի հանրայնացման մասնագետ
- ՎՊՀ մաթեմատիկայի և ինֆորմատիկայի ամբիոնի դոցենտ



ԼՈՒՍԻԿ ՎԱՐԴԱՆՅԱՆ


- SMARTI ծրագրի տեղական համակարգող
- Հայկական AIDA խմբի անդամ
- ՎՊՀ օտար լեզուների և գրականության ամբիոնի դոցենտ

ՆԱԽԱՏԵՍՎԱԾ ՄԻՋՈՑԱՌՈՒՄՆԵՐ

ԱԴՄ ՄՈԴՈՒԼՆԵՐԻՆ ՆՎԻՐՎԱԾ ՎԵՐԱԴԱՏՐԱՍՏՈՒՄ ԼԻՎԵՐՊՈՒԼԻ ՋՈՆ ՄՈՒՐՍԻ ԱՆՎԱՆ ՀԱՄԱԼՍԱՐԱՆՈՒՄ (2023 Թ. ԱՊՐԻԼ)

ԱԴՄ մոդուլներին նվիրված վերապատրաստումը SMARTI ծրագրի կարևոր վերջնարդյունքներից մեկն է, որը տեղի կունենա ՄԹ Լիվերպուլի Ջոն Մուրսի համալսարանում 2023 թ. ապրիլի առաջին երկու շաբաթվա ընթացքում:

Վերապատրաստումը գիտելիքներ կհաղորդի ԱԴՄ տասը մոդուլների մասին, որոնք ի վերջո կդառնան ծրագրի գործընկեր համալսարանների ուսումնական պլանի մաս: Դրանից հետո գործընկեր յուրաքանչյուր համալսարան կսկսի մշակել ԱԴՄ մոդուլներ ԱԴՄ սեփական ծրագրի համար: Վերապատրաստումը կմանրամասնի այնպիսի մոդուլների մասին, ինչպիսիք են հաղորդակցական (ուսանողակենտրոն) մոտեցում և տեղեկատվական հաղորդակցության տեխնոլոգիաներով (առցանց) ուսուցման ռազմավարություն, ԱԴՄ բանավոր միջոցներ, ԱԴՄ հետազոտական և գրավոր հմտություններ, ԱԴՄ մոդուլային ուսումնական պլանի մշակում և ուսումնական դիզայն, ԱԴՄ ուսանողների գնահատման ռազմավարություն (ֆորմալ և այլընտրանքային գնահատումներ) և այլն:




ՍՈՆԱ ԱԼԱՎԵՐԴՅԱՆ

- Հայկական AIDA խմբի անդամ
- SMARTI ծրագրի հանրայնացման մասնագետ
- ԳՊՀ արտաքին կապերի և համագործակցության բաժնի մասնագետ




ՍՈՒՄԱՆԱ ՀԱՅՐԱՊԵՏՅԱՆ

- Հայկական AIDA խմբի ղեկավար
- ՀԱԱՀ ագրոտեխնոլոգիական ինկուբատոր ծրագրերի համակարգող
- ՀԱԱՀ միջազգային հարաբերությունների բաժնի առաջատար մասնագետ



ՏԱԹԵՎԻԿ ԴԱՆԻԵԼՅԱՆ

- Հայկական AIDA խմբի անդամ
- ՀՀ ՊԿԱ միջազգային համագործակցության և զարգացման կենտրոնի գլխավոր մասնագետ



ԵԼԵՆԱ ՀԱՐՈՒԹՅՈՒՆՅԱՆ

- SMARTI ծրագրի հանրայնացման մասնագետ
- ՈԱԱԿ հասարակայնության հետ կապերի պատասխանատու

ՀԱՅԿԱԿԱՆ AIDA ԽՈՒՄԲԸ

SMARTI
ԿՈՆՍՈՐՑԻՈՒՄ

Coordinator
TECHNISCHE UNIVERSITÄT DRESDEN

Partners
RIGA TECHNICAL UNIVERSITY, **LIVERPOOL JOHN MOORES UNIVERSITY**, **CATOLICA FACULTY OF BIOTECHNOLOGY**, **OGAREV MORDOVIA STATE UNIVERSITY**, **Kazan Federal UNIVERSITY**, **ANQA**